



AKCIJA LIPSTICK Saslušani osumnjičeni za navođenje na prostituciju

Zatražen pritvor za Kurtovića i Nargalića, Melisi mjere zabrane

Za sat sa prostitutkom Arapi i Turci plaćali po 200 KM • Organizatori prostitucije pola zarađenog novca zadržavali za sebe

Nakon hapšenja u akciji kodnog naziva "Lipstick", koju su izveli pripadnici Državne agencije za istrage i zaštitu (SIPA), osumnjičeni za navođenje na prostituciju Samir Kurtović (31), Omer Nargalić (37) i Melisa Š. (29) saslušani su jučer u Tužilaštvu Kantona Sarajeva.

Negirali krivicu

Postupajući tužilac je, u odnosu na Kurtovića i Nargalića, koji su tokom saslušanja negirali krivicu, zatražio određivanje jednomjesečnog pritvora, dok je za osumnjičenu Melisu zatraženo određivanje mjera zabrane.

O mjerama pritvora danas će se izjasniti Vijeće Kantonalnog suda u Sarajevu. Prema izvještaju o počinjenom krivičnom djelu, koji je SIPA poslala Tužilaštvu Kantona



Privođenje osumnjičenih na saslušanje u Tužilaštvo

Sarajeva, ova svodnička grupa sumnjiči se da je organizirala pružanje seksualnih usluga u Sarajevu i šire. Oni su kontaktirali sa mušterijama prostitutki, koje su kontrolirali, posredovali u određivanju

tarife, koja se kretala oko 200 maraka po satu. Također su odvozili prostitutke na zakazana mjesta te po obavljenom poslu dolazili po njih.

Mušterije su mahom bili Turci i Arapi, koji su odsjedali u motelima i hotelima u Sarajevu, a i šire. Organizatori su za sebe zadržavali 50 posto od dogovorene cijene za pružanje seksualnih usluga. Istražitelji su, također, pretresli i tri objekta na različitim lokacijama na području Kantona Sarajeva, odakle su izuzeli mobitele, SIM kartice, novac, dva komada vatrenog oružja sa municijom i druge predmete koji će se kao dokazi koristiti u sudskom postupku. Inače, akcija je rezultat višemjesečne istrage koju su istražitelji SIPA-e proveli pod nadzo-

rom Kantonalnog tužilaštva. Tokom istrage osumnjičeni su, navodno, i prisluškivani te praćeni kao dio posebnih istražnih radnji. Osumnjičeni Nargalić bio je osuđen na deset godina i četiri mjeseca zatvora zbog ubistva Edina Kutlovca u noćnom klubu "Kašmir" u Sarajevu.

Poznati odranije

Kurtović je 2013. ranjen u pucnjavi u Švrakinom Selu. Nakon ove pucnjave, jedan od policijskih izvora kazao nam je za Kurtovića da je odavno operativno interesantna osoba te da se bavi podvođenjem djevojaka, ali da je izmicao policiji zbog nedostatka dokaza.

A. ALJIMI



Dovedena i djevojka